

かねて、古人の説もあればその實はいかにぞや、

〔人頭生角記〕越中新川郡若栗村人六左衛門者生角矣。實天保元年庚寅歲也。髻兩邊二枚長三寸餘。圍亦如之。髻前後二枚前如牙後如手小指。左鬢三枚齒列前者如鷄口。中者如手小指。後者如手將指。凡七枚。其初頭微癢日久。中痛劇。漸生角既長。陣々微疼。但無休時。且不能眠。云病夫自醜。而去鄉里。遍求醫治於三都及四方名家。無慮數十。然一無有効。驗已閱四年矣。囊盡衣敝。無如之何。因以爲將歸鄉里乎。寧死道路乎。願望徘徊。適路歷高崎。聞邑醫生千木良昌哲者。博通治療。敗帽敝履。至戶乞憐生叩。其故則脫帽厥角以示焉。數角穿髮擢々然生。以將颯颯乎。將颯颯乎。驚愕良久。遂診其狀。以得其由。然而以其奇疾不妄肯諾也。病夫固請。因宿諸家。且衣食之以施之治。初傳以膏藥一月許。而折而落。片々恰如砂礫。生怪之。又設一計以治之。終全而收之。先後一年半而復故云。實可謂國手哉。生欲博觀諸四方。乃命畫工圖焉。且請藩博士松子錄其由矣。生家世以外科名于邑。至生從余先人及叔父松月先生。學疾醫之道。自爲大家矣。在余家塾十有餘年。長余七八歲。相視猶兄弟也。以故今春遠袖其圖與其角。以來示余。且徵余言狀如前所說。於是余乃謂生曰。斯人也。遇子固幸也。而子亦得遇斯人以銜其才。豈不幸乎。抑天將使以斯鳴子名於四方乎。亦不可知也。何得功之奇而速也。生曰。二先生之澤與先人之力也。何有于我哉。余初欲辭其徵。而今也聞其言實長者之言也。不可不記也。且恨其功之朽。因曲識其病狀與其徵言書之以贈焉。如生爲人。則松子之言書其至矣。

甲午二月 高崎處士田平格錄于富岡客居芙蓉山房書窓之下

頤下有口

〔台記〕康治三年○天養元年五月二十日庚午。左大將語云。大津有人生鬼子者。其貌面長一尺。有二目不開。鼻長及頤。頤下有口。頭後又有目。鼻口但其目一矣。棄之路次。行人若寄杖。則取之起立。一夜之間已失。不知所之也。記異也

兩頭四手

〔續日本後紀十六〕承和十三年二月己卯。伊勢國言鈴鹿郡枚田鄉戶主川俣縣造繼成。戶口保茂麻呂